

Das dritte Buch.

Das dritte Buch beschreibet die Kupffer Erz/wie die zu erkennen seynd, vnnnd erstlich auff Stein vnd Kupffer/vnnnd dann das schwarze Kupffer auff gar Kupffer Probirt werden solle. Folgendts auch wie auß dem Kupffer das Silber auff die Teutsche vnnnd Bingerische art zu fangern sey/sampt anhangendem Bericht/einer sonderlichen neuen Kupfferfangernung/auch wie auß Kupffer Messing gemacht/vnnnd ob Eisen zu Kupffer gemacht kan werden.

Wie die Kupffer Erz zu erkennen seynd.



Se Kupffer Erz seynd für andern Metallischen Erzen allen/wol zu erkennen/als die die schönste Erzfärben an sich haben/also/das viel mehr Malerfarben darauß kommen/als auß den andern Metallischen Erzen. Nun seynd der Kupffer Erz zweyerley/eines theils weichflüssiger geschmeidige/eines theils aber rohe/strenge vnd hartflüssige Erz. Welche man alle gleicher gestalt/als wie die Silber Erz

Kupffer Erz schön von Farbeth.

auff Silber/vnterschiedlich auff Kupffer probirn muß.

Erstlich werden vnter die schmeidigen vnnnd weichflüssigen Kupffer Erz Proben gezelt. Die Kupfferglaß Erz/die seynd blauwlicht/vnd zeucht sich doch ihre Farb fast auff grau/Diße seynd die reichsten Kupffer Erz/so am meisten Kupffer vnnnd Silber halten/vnnnd schmeidige gute Kupffer geben.

Kupffer glas.

Nächst diesen seynd die Kupffer grünen/welche auch reich am Kupffer/aber arm am Silber seynd. Die schönen Casurfarben auch blauw vnd grünen vermischten Kupffer Erz/halten zu gleich viel Kupffer/aber in gemein gar wenig Silber/vnd geben gut Kupffer

Kupffer grün vnd Casur.

Die braunen Kupffer Erz gleich einem Eisenschuß/sie seynd derb oder milt/werden zimlich reich am Kupffer gefunden/doch arm am Silber/

Braun Kupffer Erz.